



ИСКАНДАР РАХМОН

БАЎТЛАРИМ —
ҚАНОТЛАРИМ



ИСКАНДАР РАҲМОН

**“БАЁТЛАРИМ –
ҚАНОТЛАРИМ”**

Шеърлар, қўшиқлар, маршлар

“YURIST-MEDIA MARKAZI” нашриёти

ТОШКЕНТ-2007

84 (5Ў)6
P30

Раҳмон, Искандар.
Баётларим – қанотларим: Шеърлар,
қўшиқлар, маршлар / И.Раҳмон – Т.:
“YURIST-MEDIA MARKAZI” нашриёти,
2007. – 168 б.

ББК 84(5Ў)6

№ 859–2007/1302

Мазкур тўпламни тайёрлашда Ўзбекистон Республикаси Мудофаа вазирлиги Музейи, Марказий офицерлар уйи ҳамда “Ватанпарвар” газетаси материалларидан фойдаланилди.

Тақризчилар:
Ўзбекистон халқ шоирлари:
Жуманиёз Жабборов, Махмуд Тоиров

Ўзбекистон мустақиллиги шарофати билан мамлакатимизда ҳарбий-ватанпарварлик руҳида сафларда айтиладиган мардонавор, жанговар, жўровоз куй-қўшиқлар, маршлар яратиш ва ижро этишга катта аҳамият берилмоқда. Бу борада истеъфодаги тиббий хизмат подполковниги, соғлиқни сақлаш аълочиси, Ўзбекистон Ёзувчилар ва Журналистлар уюшмалари аъзоси Искандар Раҳмон самарали ижод қилмоқда. Унинг қаламига мансуб ўнлаб шеърлар қўшиққа айланиб, кўплаб нуфузли ижодий-бадий жамоалар, таниқли хонандалар томонидан куйланмоқда. Шоирнинг “Ўзбекистон – Ватаним маним”, “Аскар қўшиқлари” кўрик-танловларида совринли ўринларга сазовор бўлган қўшиқларидан таркиб топган “Баётларим – қанотларим” гулдастаси Ватанимиз посбонларининг доимий ҳамроҳи ва ҳамкори бўлади. Уларни ҳарбий хизматнинг ўзига хос машаққатларини мардонавор енгишга руҳлантиради.

Бугун эркин, барқарор ва фаровон ҳаёт қуришни истар эканмиз, бунинг энг муҳим, энг зарур гарови — юртимиз хавфсизлигини, чегарамизнинг дахлсизлигини, кўп миллатли Ўзбекистон фуқароларининг тотувлигини сақлаш ва мустаҳкамлашдир. Атрофимизда бизга ҳавас билан қарайдиганлар билан бирга ҳасад кўзини тикиб турганлар ҳам йўқ эмас. Бундай вазият барчамизни доимо огоҳ, сезгир ва ҳушёр бўлишга, ягона уйимиз, қўрғонимиз, муқаддас оиламиз бўлмиш Ўзбекистонимизнинг куч-қудратиини мустаҳкамлашга даъват этади, фидойиликка чорлайди.

*Ислом Каримов,
Ўзбекистон Республикаси Президенти,
Қуrolли Кучлар Олий Бош Қўмондони*

Баётлар — учқур қуш қанотлар

Мамлакатимиз Президенти, Қуrolли Кучлар Олий Бош Қўмондони Ислом Каримов раҳбарлигида ҳарбий соҳада ҳам изчиллик билан босқичма-босқич ислоҳотлар ўтказилаётганининг шоҳиди бўлиб турибмиз. Олий Мажлиснинг 2002 йилда бўлиб ўтган тўққизинчи ва ўнинчи сессияларида фуқароларнинг муддатли ва муқобил ҳарбий хизматга чақирилиши ва уни ўташ тартиби борасидаги айрим салбий ҳолатлар жуда ўринли танқид қилинган. Ушбу ҳолатларни бартараф этиш учун 1992 йилда қабул қилинган “Умумий ҳарбий мажбурият ва ҳарбий хизмат тўғрисида”ги ҳамда “Муқобил хизмат тўғрисида”ги Қонунларни қайтадан кўриб чиқиш зарурати туғилди. Энг муҳими, бу ўта нозик ва мураккаб ҳужжатлар қисқа фурсат ичида етук мутахассислар томонидан ҳар томонлама пишиқ-пухта ишлаб чиқилиб, депутатлар муҳокамасига ҳавола этилди ва қабул қилинди. Бу сиёсий-ижтимоий воқеанинг аҳамияти, маъно-мазмуни ҳақида кўп ва хўб гапириш мумкин. Зеро, у ҳозирги замон талабига мос энг зарур ва долзарб муаммоларнинг ечимини топишдаги

муҳим қадамдир. Чунки, мамлакатимиз тинчлиги ва осойишталигини самарали ва ишончли ҳимоя қилишга қодир бўлган, тезкор, ҳаракатчан, жанговар, қобилиятли, касбий маҳорати юксак, ҳар жиҳатдан яхши таъминланган Қуролли Кучларни шакллантириш — давр талаби, ҳаёт тақозосидир.

Армияни ислоҳ қилишнинг асл моҳияти жангчиларимизда Ватанга муҳаббат ва садоқатни, юксак маънавий фазилатлар ва мустаҳкам иродани тарбиялаш, касбий маҳоратни ошириш, аъло даражадаги жанговар тайёргарликни таъминлашга қаратилаётгани бежиз эмас.

Бу борада Ўзбекистон мудофаасига кўмаклашувчи "Ватанпарвар" ташкилоти Марказий Кенгазининг ташаббуси билан мамлакатимизда ташкил этилаётган оммавий ойликлар дастури асосида ўтказилаётган тадбирлар, айниқса, ибратлидир. Бу тадбирлар жойлардаги кенг жамоатчиликнинг ҳарбий хизматни ўтаётган ёшлар ҳаёти ва жанговар фаолияти билан яқиндан танишиши, халқ билан армиянинг бирлиги, орзу ва мақсадларнинг муштараклиги ифодасидир, албатта.

Ҳарбий ислоҳотларни ҳаётга татбиқ этишда, ёшлар маънавияти, маърифати ва маданиятини оширишда ҳарбий кўшиқларнинг маъно-мазмун, мундарижаси, таъсирчанлигини янада кўтариш ғоят муҳимдир.

Маълумки, Республикамиз мустақиллиги шарофати билан ҳарбий-ватанпарварлик руҳидаги, сафда жўровозлик билан айтиладиган мардонавор, тантанали, жанговар куй-кўшиқлар, маршлар ва ижроларга катта аҳамият берилмоқда. Ҳар йили мамлакатимизда кенг миқёсда ўтказилаётган "Ўзбекистон — Ватаним маним" ва "Аскар кўшиқлари" кўрик-танловларида янги-янги истеъдодлар кашф этилмоқда, куй-кўшиқлар яратилмоқда. Республика Мудофаа вазирлиги, Ёзувчилар ва Бастакорлар уюшмалари билан ижодий ҳамкорликда "Ватанимга хизмат қиламан", "Аскар кўшиқлари" номли ёрдамчи қўлланмалар, айрим кўшиқнавис шоирларнинг асарлари чоп этилди. Табиийки, бу асарлар кенг омма, айниқса, ҳарбийлар ўртасида эътибор қозонди, уларнинг маънавий мулкига айланди. Бу борада Мудофаа вазирлигининг Ҳарбий студияси, Ўзбекистон Миллий телерадиокомпаниясининг "Ёшлар" телерадиоканали, "Умид" ижодий жамоаси билан ҳамкорликда тайёрланган "Ватанпарвар" кўрсатуви ва ҳарбий-ватанпарварлик мавзусидаги

эшиттиришларнинг аҳамияти катталигини алоҳида таъкидлаш лозим. Мазкур теле ва радиодастурларда мардонавор, жанговар куй-қўшиқлар, маршлар янграмоқда, уларни халқ яхши кутиб олмоқда. Бироқ, афсуски, ҳақиқий ўзбекона куй-қўшиқлар ва уларни яратаётган ижодкорлар бармоқ билан санарли. Бу соҳада фаоллик кўрсатаётган ижодкорлар сирасига таниқли шоирлардан Назармат, Жуманиёз Жабборов, Сирожиддин Саййид, Иқбол Мирзо, Маҳмуд Тоир, Хуршид Даврон ва бошқаларни киритиш мумкин. Назаримда, бу борада истеъфодаги тиббий хизмат подполковниги, ҳарбий шифокор ва ижодкор Искандар Раҳмон ҳам самарали меҳнат қилмоқда.

Искандар Раҳмон қаламига мансуб элликдан зиёд шеърлар қўшиққа айланиб, кўплаб ижодий-бадиий жамоалар, таниқли хонандалар томонидан республика аҳамиятига молик нуфузли байрам тантаналари, концертлар, телерадио дастурларида тез-тез ижро этилмоқда. Бу қўшиқларнинг аксарияти “Ўзбекистон — Ватаним маним” ҳамда “Аскар қўшиқлари” кўрик-танловларида совринли ўринларга сазовор бўлган.

Дарҳақиқат, шоир ёзганидек, баётлар — учқур қўш қанотлардир. Зеро, ота-боболаримиз: «Қўшиқ айтган етар муродга, тўлар кучга, қувватга!» деб бежиз айтишмаган. Шу маънода Искандар Раҳмоннинг мазкур тўплами Ватанимиз посбонларига доимий ҳамроҳ, ҳамкор ва мададкор бўлади, деган умиддамиз.

**Анвар Обиджон,
Ўзбекистон халқ шоири**

ЎЗБЕКИСТОН МИЛЛИЙ БАЙРОҒИ

Ватанимиз тимсолидирсан,
Энг муқаддас аъмолидирсан,
Олий рамзи, жамолидирсан,
Ўзбекистон миллий байроғи!

Олам узра ҳилпираб мағрур,
Ён-атрофга сочиб шуъла, нур,
Юракларда уйғотдинг ғурур,
Ўзбекистон миллий байроғи!

Аждодларнинг руҳин шод этдинг,
Орзуларин барҳаёт этдинг,
Ёвлар ўйин пуч, барбод этдинг,
Ўзбекистон миллий байроғи!

Рангингда эл бахтин этиб жам,
Ўй-фикрини қилиб мужассам,
Товланасан товусдек кўркам,
Ўзбекистон миллий байроғи!

Сени ўпиб ичамиз қасам,
Шон-шарафинг мардона, маҳкам –
Ёт кўзлардан асраймиз ҳар дам,
Ўзбекистон миллий байроғи!

Тинчликсевар эллар қатори,
Жаҳон узра яна юқори
Ҳилпирайвер, элим виқори –
Ўзбекистон миллий байроғи!

ЎЗБЕКИСТОН ҚОМУСИ

Ҳар юракда мавж урар
Она-Ватан туйғуси!
Шундан ошар Инсоннинг
Элу юртда обрўси.

Дилда қат-қат орзулар
Мисли қуёш ёғдуси,
Таралар жисмаро,
Кўз-кўз қилар инжусин!

Одамнинг ким, нелигин
Кўрсатар дил кўзгуси.
Қилар сарак ва сарак
Давр тош-тарозуси.

Тарозу палласида
Ҳар кимнинг бор баҳоси.
У шоҳми, фуқароми,
Ёки фақир гадоси!

Ҳаётимиз мезони –
Давлатимиз Қомуси!
Бунда энг олий ҳакам,
Ҳар кимнинг ор-номуси!

Бурчига садоқати,
Ваъдасига вафоси!
Она-Ватан, халқига,
Дил қўшиғи, нидоси!

Ўзбекистон Қомуси –
Шаҳодатлар аълоси!
Унда топмиш ҳуқуқин
Юртнинг ҳар фуқароси!

Бор бўлсин, тенг барчага
Ўзбекистон Қомуси!
Ёр бўлсин дилимизга
Она-Ватан туйғуси!

ЎЗБЕКИСТОН КЕМАСИ

(Марш)

Уммонида жаҳоннинг
Сузар юртим кемаси!
Бузар, сурар ғовларни
Ғанимлар не демасин!

Салкам ўттиз миллион
Эл юки бор устида!
Чекинар минг хавф-хатар
Уммон усти, остида!

Нақорат:

Авлодларнинг армони,
Адолатдир лангари!
Бандаргоҳи – саждагоҳ,
Она-юрт сарҳадлари!

Кемани Эл Дарғаси
Мардонавор бошқарар!
Кема қайтмас ортига
Не демасин бошқалар!

Бу кемага тушганлар
Бирдир жони, жаҳони!
Бирлаштирар барчани
Соф нияти, иймони!

Истиқлолнинг меваси,
Ўзбекистон кемаси,
Олға сузсин уммонда,
Омон бўлсин жаҳонда!



Bu tanishuv parchasidir. Asarning to'liq versiyasi <https://kitobxon.com/uz/asar/3513> saytida.

Бу танишув парчасидир. Асарнинг тўлиқ версияси <https://kitobxon.com/uz/asar/3513> сайтида.

Это был ознакомительный отрывок. Полную версию можно найти на сайте <https://kitobxon.com/ru/asar/3513>